

真誥秦時巴陵侯姜叔茂來住句曲山下種五果并五辛菜
常賣以市丹砂而用之今山間猶有韭薤卽其遺種耶秦孝
王時封侯今名此地爲姜巴者是矣

龍君橋社漁父杏壇

仙傳拾遺柳毅家於江湘儀鳳中下第將還鄉里其故人客
寓涇陽者往別之未至六七里見美婦人牧羊於野心甚異
之問其故云洞庭龍君小女也嫁於涇川小龍爲夫所薄愬
於舅姑舅愛其子黜之以至於此因託毅寓書於洞庭之北
有巨橋謂之橋社鄉里祠之至其所以物擊木三五聲書可
達矣毅如其言有武夫出波間引毅入波中其宮闕如王者

道藏輯要

三洞羣仙集

三

翼集五
又川七

之居於是留毅住宮中歡宴累日旣還贈遺珍怪不可名述
南華真經孔子遊乎緇帷之林休坐乎杏壇之上弟子讀書
孔子絃歌鼓琴奏曲未半有漁父者下船而來鬢眉交白披
髮揄袂行原以上距陸而上左手據膝右手持頤以聽曲終
張泚飲水伯陽餌丹

仙傳拾遺張泚武陵人幼而好學常注念於桃源觀願遇靈
仙以希度世亦鬚鬢通感祕而不言乾符中鄭滂出牧武陵
因述詞文虔誠禱祝以泚牙將之中素勤道法令齋其詞致
齋法事未畢有仙樂五雲之異良久垂一琉璃瓶自空而下
泚捧接之及一瓶水耳盡飲之甘美無比忽然騰躍昇天而